

林下詞選

林下詞選卷三目錄

宋詞

延安夫人四首

易彥章妻二首

曹希蘊一首

蔣令女一首

梁意娘一首

孫夫人四首

舒氏一首

鄭義娘一首

陶氏一首

王嬌娘七首

飛紅一首

趙秋官妻一首

蕭淑蘭二首

劉氏一首

林下詞選

卷三

二

徐夫人一首

王清惠一首

雁峰劉氏一首

金德淑一首

春娘一首

林下詞選卷三目錄

林下詞選卷三

宋詞

延安夫人

更漏子

寄季玉妹

小闌干深院宇，依舊當時別處。
朱戶鎖玉樓空，一簾霜日紅。
弄珠江，何處是望，斷碧雲無際。
凝淚眼，出重城，隔溪羌笛聲。

踏莎行

孤館深沉曉，寒天氣解鞍。
獨自闌干倚暗香，浮動月。

黃昏落梅風送沾衣袂 待寫紅箋憑誰與寄先教
覓取嬉遊地到家正是晚春時小桃花下拚沉醉

臨江仙

立春寄
李順妹

一夜東風穿繡戶融融暖應佳時春來何處最相知
平明堤上柳染遍鬢金枝姊妹嬉遊時節近今朝
應怨來遲憑誰說與到家期玉釵頭上勝畱待遠人
歸

蝶戀花

暫止東昌
館寄姊妹

泪搵征衣脂粉暖四疊陽關唱了千千遍人道山長

山又斷蕭蕭微雨聞孤館 惜別傷離方寸亂忘了
臨行酒盞深和淺若有音書憑過雁東萊不似蓬萊
遠

易彥章妻

彥章一作彥祥

彥章名被長沙人寧宗朝狀元以優校爲
前廊久不歸其妻嘗作詞寄之

長相思

一本刻劉後邨

朝有時暮有時潮水猶知日兩回人生長別離 來
有時去有時燕子猶知社後歸君行無盡期

一剪梅

染淚修書寄彥章
貪却前廊忘却回廊
功名成就不
還鄉石做心腸
鐵做心腸
紅日三竿未理妝
虛度韶光
瘦損容光
相思何日得成雙
羞對鴛鴦懶對一作

画

鴛鴦

曹氏

名希蘊

踏莎行

詠燈
花

解遣愁心能添喜色
些兒好事先施力
畫堂深處伴

妖嬈絳紗籠裏丹砂赤
有艷難畱無恨怎覓幾回
不忍輕輕別玉人曾向耳
邊言花開有信人無的

蔣令女

陽武令蔣興祖女浙西人靖康間金人犯
闕興祖死之其女方笄美顏色爲賊所獲

減字木蘭花

題雄州驛壁

朝雲橫度。轆轤車聲如水去。白草黃沙月照孤邨三
兩家。飛鴻過也。百結愁腸無盡夜。漸近燕山回首
鄉關歸去難。

梁意娘

瀟湖梁公女與姑表李生善李別去意娘
作歌寄之云落花落葉落紛紛終日思君
不見君腸斷斷腸腸欲斷泪珠痕上更添
痕一片白雲青山內一片白雲青山外青
山內外有白雲白雲飛去青山在我有一
片心無人共君說願風吹散雲訴與天邊
月攜琴上高樓樓虛月華滿相思曲未終
淚滴水絃斷人道海水深不抵相思半海

水尚有涯。相思渺無畔。君住湘江頭。妾在
湘江尾。相思不相見。同飲湘江水。夢魂飛
不去。所欠惟一死。入我相思門。知我相思
苦。長相思兮長相憶。短相思兮無盡期。早
知如此絆人心。悔不當初莫相識。

憶秦娥

春宵短。香閨寂寞愁無限。愁無限。一聲窗外曉。鷺新
轉。起來無語成嬌懶。柔情易斷人難見。人難見。這
些情緒如何消遣。

孫夫人

秀州太學生鄭文妻鄭常寓行都孫多以
閨情詞寄之一時播傳酒樓妓館皆歌焉

憶秦娥

花深深一鉤羅襪行花陰行花陰間將柳帶試結同
心日一作耳邊消息空沉沉畫眉樓上愁登臨愁登
臨海棠開後望到如今

南鄉子

曉日壓重簷斗帳春寒起來吹天氣困人梳洗懶眉

尖淡畫春山不喜添閒把繡絲撻認得金針又倒
拈陌上游人歸也未厭厭滿院楊花不捲簾

風中柳

銷減芳容端的爲郎煩惱
鵲慵梳宮妝草草別離情
緒待歸來都告怕傷郎又還休道
利鎖名韁幾阻
當年歡笑更那堪鱗鴻信杳
蟾枝高折願從今須早
莫辜負鳳幃一作鏡中人老

燭影搖紅

乳燕穿簾亂鴛啼樹清明近
隔簾時度柳花飛猶覺

寒成陣長記眉峰偷隱臉桃紅難藏酒暈背人微笑
半蟬鬢釵輕籠蟬髻別久啼多眼應不似當年俊
滿園珠翠逞春嬌沒箇他風韻若見賓鴻試問待相
將綵牋寄恨幾時得見鬪草歸來雙鴛微潤

舒氏

王齊叟妻元祐間人齊叟字彥齡任俠有
聲娶舒氏女亦工篇章常以使酒忤翁竟
致離絕

點絳脣

上行池
上

獨自臨流興來時把闌干凭舊愁新恨耗却來時興
驚散魚潛烟歛風初定波心靜照人如鏡少個年
時影

鄭義娘

宣政間楊思厚妻撒八太尉自盱眙掠得
之不辱而死其魂常白晝出游思厚奉使
至燕山訪其瘞處與之相見有憶良人篇
云孤城落日春雲低東風蝴蝶相交飛盡
目望郎郎不至花落庭前鳥聲碎孤幃悄

悄香已消秋千彩索空搖搖眉分烟
黛促淚兮淚兮常滿擱荏苒流光疾似梭
紅顏欲老將如何

好事近

往事與誰論無語暗彈清血何處最堪腸斷是黃昏
時節倚樓凝望又徘徊誰解此情切何計可同歸
雁趁江南春色

陶氏

蘇幙遮

閨怨

與君婚情幾許執手相期永遠成鴛侶一去音書千萬里望斷陽關泪滴如秋雨到如今成間阻等候郎來細把相思訴看著梅花花不語花已成梅結就心中苦

王嬌娘

字瑩卿眉州王通判女王有甥申純字厚卿宜和間與兄綸同及第純常寄跡王署嬌因與善後王受帥府聘嬌竟以憂卒畱詩別生有汪汪兩眼西風泪猶向陽臺作

雨飛之句純聞訃得詩亦悲憤成疾而隕
王遂舉嬌柩歸于申合葬于濯錦江邊後
人見有雙鴛鴦飛翔其上名爲鴛鴦塚云

菩薩蠻

吳語銷魂

夜深偷展窻紗綠小桃枝上聞鶯宿花嫩不禁抽春
風卒未休 千金身已破脉脉愁無那特地祝檀郎
人前謹口防

又

郎今去也拋奴去恨共離舟少畱不住扶病別江頭沾

襟泪雨流可憐路遠終須別一寸腸千結此會再難逢
相逢只夢中

卜算子

君去有時歸千里須回首休道三年綠葉陰五載花
依舊莫怨好音遲兩下堅心守三隻散兒十九窩
沒箇須教有

減字木蘭花

魂歸
題壁

蓮閨愛絕長向碧瑤深處歇華表來歸風物依然人
事非月光如水備炤鴛鴦新塚裏黃鶴催班此去

何時得再還

一剪梅

荳蔻梢頭春意闌。風滿前山，雨滿前山。杜鵑啼血五
更殘。花不禁寒，人不禁寒。離合悲歡事幾般。離有
悲歡，合有悲歡。別時容易見時難。怕唱陽關，莫唱陽
關。

一叢花

世間萬事轉頭空。何物似情濃。新歡共把愁眉展，怎
知道新恨重逢。媒妁無憑，佳期又誤，何處問流紅。

欲歌先咽意冲冲。從此各西東。愁怕到黃昏。窻兒外
踈雨泣梧桐。仔細思量不如桃李。猶解嫁東風。

滿庭芳

簾影飾金。簾紋浮水。綠陰庭院清幽。夜長人靜。消得
許多愁。常記當時月色。小窗外。情話綢繆。因緣淺。行
雲去後。杳不見蹤由。殷勤紅一葉。傳來密意。佳好
新求。奈百端間阻。恩愛成休。腸斷武昌山畔。知何日
却話從頭。須相念。重尋舊約。休忘杜家秋。
忘去聲

飛紅

王通判侍妾

青玉案

花臥鶯踏紅英亂春心重頓成愁懶楊花夢散楚雲
平空惹起情無限傷心漸覺成牽絆奈愁緒寸心
難管深誠無計寄天涯幾欲問梁間燕

趙秋官妻

武陵春

書岐陽郵亭
連倩女寄陳彥臣
一作

人道有情還有夢無夢豈無情夜夜思量直到明有
夢怎教成昨夜偶然來夢裏鄰笛又還驚笛韻淒

淒不忍聽總是斷腸聲

蕭淑蘭

張世英妻世英嘗館於蕭公讓家淑蘭讓
妹也慕張之才賦詞寄之後卒偕配偶

菩薩蠻

君心情遠迷蓬島妾身命薄連芳草芳草正淒淒問
君知不知妾身輕似葉君意堅如鐵妾意向君多
如君棄妾何

又

于英見前詞輕裝泛西
陵蘭憶之復有此賦

有情潮落西陵浦無情人向西陵去去也不教知怕
人畱戀伊憶了千千萬恨了千千萬畢竟憶時多
恨時無奈何

劉氏

江寧人章文虎妻

□□□
寄外調
似臨江仙

千里長安名利客輕別尋常最苦是三月風光滿街
瑤草綠一樹杏花芳記得季時臨上馬看人眼淚
汪汪如今不忍更思量恨無了日空有九迴腸

徐夫人

岳州徐君寶妻被獲來杭主者見有殊色
欲犯之給以祭謝先夫然後爲君婦因焚
香再拜題詞壁上投池中死

滿庭芳

題韓蘄王府壁

漢上繁華江南人物尚遺宣政風流綠窗朱戶十里
爛銀鈎一旦刀兵齊舉旌旗擁百萬貔貅長驅入歌
樓舞榭風捲落花愁清平三百載典章文物掃地
都休幸此身未北猶客南州破鏡徐郎何在空惆悵

相見無由從今後。斷魂千里夜夜。笛陽樓。

王清惠

朱昭儀後入元爲女道士號冲華

滿江紅

壁題驛

太液芙蓉。渾不似、舊時顏色。曾記得、承恩雨露。玉樓金闕。名播蘭簪妃后裏。暈潮蓮臉。君王側。忽一朝、顰鼓揭天來。繁華歇。龍虎散。風雲滅。千古恨。憑誰說。對山河。百二淚。沾襟血。驛館夜驚塵土。夢宮車曉碾。關山月。願嫦娥。相顧肯從容。隨圓缺。

後爲元兵所獲

阮郎歸

過金陵
題壁

□騎中原亂似麻風景依稀近永嘉
丁珠片玉落泥沙何時返翠華
呈祥鸞鳳失仙槎因循離恨加
前生應是負債他思量無岸涯

彤管新編載宋時華春娘絕句一首疑卽此人其
詩云燕子樓中燕子飛片泥一點誤沾衣
主人頻起嗔嫌意垂下
珠簾不放歸

木下詞選

卷三

七

林下詞選卷三

林下詞選卷四目錄

宋詞

王玉貞一首

嚴蕊三首

楚娘一首

蜀妓一首

聶勝瓊一首

馬瓊瓊一首

趙才卿一首

平江妓一首

翁客妓一首

僧兒一首

尹溫儀一首

京師妓一首

湘江妓一首

林下詞選卷四目錄

林下詞選卷四

宋詞

王玉貞

武林名妓時陸仲舉飄泊江湖過武林邂逅玉貞一見投契貞日脫簪珥買懽湖上後貞囊篋空乏仲舉憇然他適貞畱之不得作詞贈別仲既去貞遂赴湖死

玉樓春

來時吳會猶殘暑去日武林春已暮欲知恩愛感人

深灑淚多於江上雨 歡情未舉眉先聚別酒頻斟
君莫訴從今遮莫問西湖擡眼盡成腸斷處

嚴蘂

字幼芳天台營妓唐仲友守台日嘗命蘂
賦紅白桃花詞賜以雙縑後朱晦菴以使
節行部至台欲據仲友罪指其與蘂爲濫
繫獄月餘蘂雖備箠楚而一語不及唐且
曰身爲賤妓縱與太守濫罪不至死然妄
言以汚士大夫則死不可誣也未幾朱公

改除岳霖商卿爲憲憐之命作詞自陳卽

令脫籍

如夢令

詠紅白桃

道是梨花不是道是杏花不是白白與紅紅別是東
風情味曾記曾記人在武陵微醉

卜算子

自陳

不是愛風塵似被前緣誤
落花開自有時揔賴東
君主去也終須去住也如何住
若得山花插滿頭
莫問奴歸處

鵲橋仙

七夕郡齋開宴坐有謝元卿豪士也素聞蓋各因命之賦詞卽以已之姓爲韻

酒方行而詞成元卿爲之心醉畱其家半載空囊贈之而歸

碧梧初出桂香纔吐池上水花微謝穿鍼人在合歡樓正月露玉盤高瀉蛛忙鵲懶耕慵織倦空做古今佳話人間剛道隔年期怕天上方纔隔夜

楚娘

妓女適三山林茂叔林正室李稍不能容楚作詞題壁李見之遂歡然式好

生查子

題壁

去年梅雪天千里人歸遠今年梅雪天千里人追怨
鐵石作心腸鐵石剛猶軟江海比君恩江海深猶
淺

蜀妓

市橋柳

欲寄意渾無所有折盡市橋官柳看君着上征衫又
相將放船楚江口後會不知何日是男兒休要鎮
長相守苟富貴無相忘若相忘有如此酒

聶勝瓊

長安妓歸李之問初瓊與李善將別餞飲
於蓮花樓瓊唱一詞末句云無計畱春住
奈何無計隨君去李爲之復畱經月後爲
細君督去瓊作詞追寄之李藏之篋間抵
家爲其妻所得亦甚嘆賞遂傾奩娶歸

鷓鴣天

寄別李之問

玉慘花愁出鳳城
蓮花樓下柳青青
尊前一唱陽關
曲別箇人人第五程
尋好夢夢難成
有誰知我此時情
枕前泪共堦前雨
隔箇窻兒滴到明

馬瓊瓊

初爲妓後歸朱廷之廷之因闢二閣東閣
正室居之瓊瓊居西閣廷之之任南昌瓊
以梅雪扇并題詞寄之廷之詳詞中之意
知西閣爲東閣摧挫遂休官歸家置酒會
二閣曰昨見西閣所寄雪梅詞使人不遑
寢食東閣乃曰君今仕矣試爲判斷此事
據西閣所云梅花孰是也廷之遂作浣溪
沙一闕以示二閣云梅正開時雪正狂兩

般幽韻孰優長且宜持酒細端詳
梅比雪花輸一出雪如梅蕊少些香
花公非是不思量自後二閣歡會如初

減字木蘭花

題梅雪扇

雪梅妬色雪把梅花相抑勒
梅性溫柔雪壓梅花怎起頭
芳心欲訴全仗東君來作主
傳與東君早與梅花作主人

趙才卿

成都官妓性黠慧能詞速敏值帥府作會

以送都鈴帥命才卿作詞應命立就都鈴
大賞其才以飲器數百星遺之

燕歸梁

卽席送
都鈴帥

細柳營中有亞夫華宴簇名姝雅歌長許佐投壺無
一日不歡娛漢王拓境思名將捧飛詔欲登途從
前密約盡成虛空贏得泪如珠

平江妓

賀新郎

送太
守

春色元無主荷東君着意看承等閒分付多少無情

風浪又那更蜨欺蜂妬算燕雀眼前無數縱使簾櫳
能愛護到如今已是成遲暮芳草碧遮歸路 看看
已到難言處怕見仙郎旌旗輕易歌襦袴月滿西樓
絃索靜雲蔽崑城閫府便恁地一帆輕舉獨倚闌干
愁碎慘玉容泪黥疎紅雨去與住兩難訴

翁客妓

妓歸陸放翁之客因以名之放翁客自蜀
挾一妓自隨西歸蓄之別室率數日一往
偶以病少疎妓頗疑之客作詞自解妓卽

韻答之或謗翁嘗挾蜀尼以歸卽此妓也

鵲橋仙

說盟說誓說情說意動是春愁滿紙多應念得脫空
經是那箇先生教的 不茶不飯不言不語一味供
他憔悴相思已是不曾閒又那得工夫吮你

僧兒

廣漢營妓

滿庭芳

戴公得請
玉局之祠

團菊包金叢蘭減翠画成秋暮風烟使君歸去千里

倍潛然兩度朱旛鴈水全勝却陶侃當年應曾見一
時盛事都在送行篇 愁煩梳洗懶尋思陪宴花月
湖邊有多少風流往事縈牽聞道霓旌雨棟看看是
玉局神仙還相許冲霄披霧一到洞中天

尹溫儀

成都妓時蔡元長爲帥嘗令賦詞又以尹
行九卽以九字爲韻尹遂應聲而成

西江月

韓愈文章蓋世謝安才貌風流良辰開宴在西樓勸

取一杯芳酒 記得南宮高過弟兄都占鰲頭一門
玉殿御香浮名在甲科第九

蓋元長以九人及第弟
元慶以十一人及第也

京師妓

瑞鷓鴣

少年曾侍漢梁王濯錦江邊醉幾場拂石坐來衫袖
冷踏花歸去馬蹄香 當初酒觥寧辭滿今日閒愁
不易當暗想勝游渾似夢芙蓉城下水茫茫

湘江妓

燭影搖紅

贈別舒信道 一說舒信道中丞宅
在明州中有懶堂子弟羣處講習一

生燈下忽見女子自稱丘氏舉手代拍面
歌相從月餘家人驗其爲奴後不復至

綠淨湖光淺寒先到芙蓉島謝池幽夢屬才郎幾度
生春草塵世多情易老更那堪秋風嫋嫋曉來羞對
香芷汀洲枯荷池沼恨鎖橫波遠山淺黛無人掃
湘江人去嘆無依此意從誰表喜趁良宵月皎况難
逢人間兩好算辭沉醉醉入屏山只愁天曉

林下詞選卷四

林下詞選卷五目錄

元詞

管仲姬一首

賈娉娉一首

洞天女九首

黃氏一首

王秋英一首

鄭婉娥一首

吳氏女三首

陳鳳儀一首

樂宛一首

劉燕歌一首

林下詞選卷五目錄

林下詞選卷五

元詞

管仲姬

名道昇管仲女魏國公趙孟頫子昂夫人
子昂嘗欲置妾以小詞調管夫人云我爲
學士你做夫人豈不聞陶學士有桃葉桃
根蘇學士有朝雲暮雲我便多娶幾箇吳
姬越女無過分你年紀已過四旬只管占
住玉堂春夫人答云你儂我儂忒煞情多

情多處熱似火把一塊泥捻一個你塑一
個我將咱兩個一齊打破用水調和再捻
一個你再塑一個我我泥中有你你泥中
有我與你生同一個衾死同一個槨子昂
得詞大笑而止

漁父

人生貴極是王侯浮利浮名不自由爭得似一扁舟
弄月唼風歸去休

賈娉娉

字雲華魏鵬妻初雲華之母與鵬母有指
腹之約後鵬謁賈命女結爲兄妹不及
前盟兩人因私自定情後鵬以母喪歸女
鬱鬱死二年後有長安丞宋子璧女暴卒
復甦自言賈平章女借屍還魂丞以告賈
遂歸鵬焉有唱隨集貫酸齋爲序

踏莎行

訣別

隨水落花離絃飛箭今生無處能相見
長江縱使向西流也應不盡千年怨
盟誓無憑情緣有限願魂

化作御泥燕一年一度一歸來孤雌獨入郎庭院

洞天女

他選作無
名氏女郎

玄之夢遊詞序云夏夜倦寢游神異境榜
曰玄妙洞天見一少女獨立于中朗然高
咏云歡非有欠親自不來彼何人也兩心
是懷惟君與妾雙雙不散姁女既嫁得國
之半歌已命侍兒傳語曰與君有緣把臂
密邇今時未至請速退矣余心異之翻然
而醒自是之後不數夕一夢其邂逅之詳

自有私誌所歌之詞聊籍于此以示好事
弁丘道人跋曰玄之必有所爲難于顯言
託之華胥耳 玄之弁丘不知何許人歡
親八句必是隱語詞共十有八闕今錄其
半

謁金門

真堪惜錦帳夜長虛擲挑盡銀燈情脉脉繡花無氣
力 女伴聲停刀尺蟋蟀爭啼四壁自起捲簾窺夜
色天青星欲滴

眼兒媚

石榴花發尚傷春
草色帶斜曛
芙蓉面瘦
蕙蘭心病
柳葉眉顰
如年長晝
雖難過
入夜更消魂
半窗淡月
三聲鳴鼓
一個愁人

踏莎行

香罷宵薰
花孤晝賞
粉牆一丈
愁千丈
多情春夢苦
拋人尋郎
夜夜離羅幌
好句刊心
佳期束想
甫愁春到
還愁往
消魂細柳
一時垂
斷腸芳草
連天長

又

花徑爭穿珠簾屢認正逢梅雨芹泥潤畫梁無處可
安巢玉纖爲把花枝襯社日纔來端陽已近尋巢
爲甚偏遲鈍算來一似鳳鸞期蹉跎漸覺無真信

臨江仙

花影半簾初睡起繡鞋着罷慵移窺粧強把綠窻推
隔花雙蝶散猶似夢初回纖指彈甌呼女伴出簾
聊共徘徊閒將羅袖倚朱扉樓臺臨水處日午燕爭
飛

又

昨夜驚眠梅雨大枕前窗上頻敲天明翻覺夢魂遙
起來看女伴薰袖已香消雲鎖房櫳烟鎖竹捲簾
水濕鮫綃菱花低照拂眉梢玉梳雲髮潤不喜上蘭
膏

孤鸞

蝦鬚初揭正寺日停鐘窻風鳴鐵懶自梳粧亂挽鬟
兒非滑追想昨宵瞥見有多少動情誰說枉在屏風
背後立歪羅襪聽玉人言去苦難泄任樹上黃鸝
歌道離別強欲排餘恨反寸腸悲裂試使侍兒挽住

想未離畫橋東折傳道行踪已遠但垂楊烟結

前段末句

少一字

念奴嬌

鴛幃曉起正飛花蘭徑啼鶯瓊閣對鏡梳粧愁見那
怯怯容顏瘦弱一自仙郎題詩寄簡屢訂西湘約墻
花拂影獨眠何事如昨誰憐潘果空投賈香難與
愁腸安託帶眼輕拴須看取楊柳腰肢如削珠履玲
瓏羅衫雅淡件件無心着何時斷見得償今日蕭索

後段第三句少一字

玉蝴蝶

爲甚夜來添病強臨寶鑑憔悴嬌慵一任釵橫鬢亂
永日薰風惱脂消榴紅徑裏羞玉減蝶粉叢中思悠
悠垂簾獨坐倚遍熏籠朦朧玉人不見羅裁囊寄
錦寫牋封約在春歸夏來依舊各西東粉牆花影來
疑是羅帳雨夢斷成空最難忘屏邊瞥見野外相逢

武林卓月老詞選云馬
東籬張小山諸君所服

王氏

崔英妻至正時陸士暢爲之作芙蓉歌甚

詳閩中魏惟度新編芙蓉屏記亦引此詞

臨江仙

題芙蓉屏

少日風流張敞筆等閒掃就雲烟芙蓉畫出最嬌妍
豈知芳艷色翻抱死生冤粉墨淒涼餘繪質只今
流落誰憐素屏寂寞伴枯禪今生緣已斷願結再生
緣

王秋英

福清諸生韓夢雲嘉靖甲子過石湖山見
遺骸掩之其夜遇一麗人自稱王秋英字

澹容楚人也元至正間從父之任見執強
寇至石湖山不忍受汚投崖而死今感掩
骸之恩願諧伉儷自是數日一至詩詞甚
多明年寒食夢雲攜雞黍奠其墓秋英出
見賦詞爲答遂與夢雲同歸產一子萬曆
癸巳年自言塵緣已盡揮涕而別

瀟湘逢故人慢

上巳答
韓夢雲

春光將暮見嫩柳拖烟嬌花帶霧頃刻間風雨把堂
上深恩閨中遺事鑽火畱餚都付却落花飛絮又何

心挈羶提壺闌草踏青盈路
子規啼蝴蝶舞遍南
北山頭紙灰綠醕奠一丘黃土歎海角飄零湘陰淒
楚無主泉扃也能得有情雞黍畫角聲吹落梅花又
帶離愁歸去

鄭婉娥

洪武初松陵沈韶遊於九江登琵琶亭遇
一麗人宮妝艷飾韶問其姓字答曰僞漢
陳婕妤鄭婉娥也年二十而卒殯于亭近
隨命鈿蟬金雁二小鬟出樽酒共飲于亭

上歌念奴嬌一闕又作詩云鳳艦龍舟事
已空銀屏金屋夢魂中黃蘆晚日烘殘壘
碧草寒烟鎖故宮隧道魚燈油欲盡粧臺
鸞鏡匣長封憑君莫話興亡事泪濕胭脂
損舊容

念奴嬌

離離禾黍。嘆江山似舊。英雄塵土。石馬銅駝荆棘裏。
閱遍幾番寒暑。劍戟灰飛。旌旗烏散。底處尋樓舫。暗
啞叱咤。只今猶說西楚。憔悴玉帳。虞兮。燈前掩面。

雙泪飛紅雨。鳳輦羊車行不返。九曲愁腸慢苦。梅瓣
凝粧。楊花翻曲。回首成今古。翠螺青黛。絳仙慵畫眉
嫵。

吳氏女

一本誤作
明時人

詩話類編云吳氏女愛吟詠隣有鄭僖雅
擅才華女常令一姬索詞於生生賦木蘭
花詞與之因從其母求婚不允密寄詩詞
遙相屬和後女以幽恨成疾竟至不起作
詩別生云泪珠滴滴濕香羅病裏芳肌瘦

減多惟得夜來春夢淺不知今日定如何
生間之爲悼亡吟有死生俱夢幻來往只
詩篇之句

木蘭花慢

簡鄭生

愛風流儒雅看筆下掃雲烟正困倚書窗慵拈針線
懶詠詩篇紅葉未知誰繫謾躊躇無語小闌前燕子
知人有意雙雙飛向花邊殷勤一緘寄英賢聊向
寒鴻傳恐薛媛圖形楚材興念喚醒當年疊疊滿枝
梅子料今生無分共坡仙贏得鮫綃怕上啼痕萬萬

千千

葉字勤字叠
字俱不藏韻

又

看紅箋寫恨人醉倚夕陽樓故里梅花纔傳春信又
付東流此生料應緣淺綺窗下雨怨雲愁樓外杏枝
綻也珠簾懶上銀鉤絲蘿橋樹欲依投此景兩悠
悠恐鶯老花殘翠嬌紅減辜負春遊蜂媒間人情思
總無言應只低頭夢斷東風路遠柔情猶爲遲留

第三句第七句後段第七
句俱少一字亦不藏韻

燭影搖紅

死後鄭生思念不已
招箕仙復畱此詞

綠慘雙鸞香魂猶自多迷戀芳心密語在心邊如見
詩人面 又是柔腸未斷奈天不從人願瓊銷玉減
夢魂空有幾多幽怨

陳鳳儀

成都樂妓

一絡索

送蜀守
蔣龍圖

蜀江春色濃如霧擁雙旌歸去海棠也似別君難一
點點啼紅雨 此去馬蹄何處沙堤新路禁林賜宴
賞花時還憶著西樓否

擁字
觀

樂苑

杭妓與施酒監善施嘗贈以詞云相逢情
更深恨不相逢早識盡千千万萬人終不
似伊家好 別你登長道轉覺添煩惱樓
外朱樓獨倚闌滿目園芳草

卜算子

答施酒監

相思似海深舊事如天遠淚滴千千万萬行使我愁
腸斷 要見無由見見了終難拚若是前生未有緣
重結來生願

劉燕歌

妓女

太常引

餞別齊泰
議還山東

故人別我出陽關無計鎖雕鞍
今古別離難元誰画
蛾眉遠山一尊別酒一聲杜宇
寂寞又春殘
明月小樓圓
第一夜相思泪彈

林下詞選卷五

一絲兩氣病襄王枕上時光風流自古多魔障幾時
得效對鸞鳳覓水重來崔護看花前度劉郎 千嬌
百媚杜韋娘惱亂柔腸昨宵夢裏成恩愛待醒來依
舊淒涼歡樂百年嫌早憂愁一夜偏長

孟淑卿

號荆山居士訓導孟澄女姑蘇人嘗論詩
詞宜瀏落鉛粉特出新裁皆惟李易安差
足語耳若朱淑真猶未免俗

減字木蘭花

幽懷

銀河如畫崿峭黃花寒越瘦小立闌干滿砌花陰怯
步還當年劉阮天台重訪桃花亂怪道而今眼底
眉頭剩月明

淑卿詩見諸選本者最多其觀蓮美人圖一絕尤
爲士林稱賞詩云綠槐蟬靜日偏長懶薰金爐百
和香莫摘池中蓮子
看箇中多少是空房

朱盛藻

字瓊蕤黃州楚宗女嘗作濯春逸尚序其
畧云盛藻託體穠華敦懷椎布偃蹇擇對
遲暮成歸微傳玄之好述媿杜韓之淑德

弋鳧旣叶挽鹿可追蟻聚之視爲輕牛衣
之泣爲鄙一聞緒論決志幽棲夫耕妻鋤
我負子戴忘憂乎灌園之役敬恭乎春廡
之間似可以嗤鶴唳于華亭賡鳳歌于楚
澤不獨向之提攜質春者適然同韻卽使
當世副珈曳翟之子亦必盭然當心憾其
開之晚矣

蝶戀花

桂影

寶魄初臨青玉樹萬疊穠陰一點窺人處笑印參差

眉黛譜暈灰學画檀深注
庭轉金波疑漸曙鸞尾
偏棲乍怯覓裳露待到深秋金粟吐輕裾又襲幽芬
暮

又竹影

幾箇琅玕浮翠羽防露含風爽喜流暉聚庭藻交加
疑細步羅衣巧繡分明覩却蔭玄軒穿北戶夢入
芳蘭竟體清如許濯魄珊珊還自顧冰心秀殺閨房
婦

又柳影

永日三眠輦較嫵困態初舒莫遣紅粧妒自有明珠
生遠浦舞低恍向樓心覷拂地長條誰是主露下
芙蓉只恐難畱住好趁煙光凝地護交枝漫鎖長門
路

又梅影

玉格橫斜剛道誤穠綠成陰借把黃昏賦佳實纍纍
難計數低頭錯認蒼苔臉麟閣調羹曾繪素衆翳
朦朧指出渠風度歷盡炎霜還似故弄珠先擬梨雲
句

又 蕉影

袖剪湘羅新楚楚帝子瑤臺飄向空中舉滿地婆娑
憑旋舞輕軀好跨青鸞去半暉紅心嬌欲助紅蝠
差池猜聽呢喃語好夢貪成渾忘暑人如紅蝠花間
覆

又 薇影

亞朶蒙茸聞暮雨池水空明倒寫如紅霧百日芳菲
香漸布三番屈指看三五禁院仙郎傳伴侶瞥覩
如花省識難憑據綺閣輕陰須記取玉纖指處篩金

縷

填詞集豔云一父而成六詞不言影不名并不更韻不重押可謂巧有餘妍

劉氏

楚人詞止一闋亦吉光片羽也

浪淘沙

新秋

昨夜雨綿綿寒澁燈烟薄衾蕭索不成眠曉起床頭
看唇日換了秋天綠葉尚新鮮猶想爭妍教他知
道也淒然眼底韶光容易過樹且堪憐

張紅橋

閩縣人恃才擇配常曰欲得才如李青蓮
者事之因林鴻投詩稱意遂歸焉後鴻有
金陵之遊作詞畱別云鍾情太甚人笑我
到老也無休歎月露烟雲多是恨況與玉
人離別軟語丁寧柔情婉戀鎔盡肝腸鐵
峽亭把酒水流花謝時節應念翠袖籠
香玉壺溫酒夜夜銀屏月蓄喜含嗔多少
態海誓盟都設此去何之碧雲春樹晚
翠千千疊圖將羈思歸來細與伊說紅橋

亦以詞送之別後竟以念鴻而卒有遺稿

存世林鴻字子羽

黃金縷

卽蝶戀花半闕

記得紅橋西畔路郎馬來時繫在垂楊樹漠漠梨雲
和夢度錦屏翠幙畱春住

念奴嬌

次韻送外之金陵

鳳凰山下恨聲聲玉漏。今宵易歇。三疊陽關歌未竟。
啞啞樓烏催別。含怨吞聲。兩行清淚。漬透千重鐵。柔
情一縷。不知多少根節。還憶浴罷描眉。夢回攜手。

踏碎花間月。謾道胸前懷。豈惹今日總成虛設。桃葉
津頭。莫愁湖畔。遠樹雲烟疊。寒燈旅邸。熒熒與誰間
說。

紅橋有遺林鴻詩云一南一北似飄蓬妾意君
心恨不同他日歸來也無益夜臺應少繫書鴻

王嬌鸞

天順初人臨安衛王指揮女與松陵周廷
章善往還詩詞最多其送別詩有郎馬未
離青柳下妾心先在白雲邊之句後廷章
負盟別娶鸞遂自殉鍾伯敬名媛詩歸曾

錄其長恨歌一篇

如夢令

正好歡娛綵幔何事赤繩緣斷步月散幽懷又被琴聲撩亂情願情願孤枕與君分半

王鳳嫺

字瑞卿號文如子雲間人進士張本端妻
垂髫時大父試以駢句云秀睂新月小卽
應聲曰鬢髮片雲濃華亭范濂評其詩曰
高華絕響錢劉清新迥出溫許女文姝媚

珠皆能詩有貫珠集

春光好
立春

香徑軟。萬山明。試羅輕。碧草萌芽遍遠汀。帶遊情。
好鳥調歌弄。舌鳴鳩。喚雨呼晴。十二珠樓簾盡捲。按
新聲。

浣溪沙

同喬夫
人郊行

新篁曲徑野花香。閃閃隨風蜨翅忙。柳綿飛墮點羅
裳。人在景中憐日永。燕翻波面舞春長。野橋古渡
半斜陽。
前段起二
句不合調

減字木蘭花

納涼

風來池畔玉肌瘦骨忻無汗枕簟涼生露冷荷香夜
色清月臨殘卷三更漏盡渾忘倦寂靜閒庭柳外
流螢墜亂星

前後段起句俱不合調

憶秦娥

月夜憶亡女引慶

牽裾別欲行還止心摧折心摧折羅衫袖漬層層泪
血倚門目斷魚書絕驚魂已逐波流月波流月空
悲老我鬢髮垂雪

又

長歌咽芳魂不返徒悲切徒悲切寒烟蒼樹爲將愁
結烏棲啞啞人聲絕傷心一片中天月中天月可
憐猶照舊妝空閣

臨江仙

秋興

珠簾不捲銀蟾透夜涼獨自凭欄瑤琴欲整指生寒
鶴歸松露冷人靜井梧殘天際一聲新度雁翱翔
似覓回灘浮生幾見幾悲歡三秋今已半楓葉醉林
丹

念奴嬌

花嬌柳媚。問東君。正是芳菲時節。帳暖流蘇。雞報曉。睡起悄寒猶怯。烏鳥情牽。青鸞信杳。追憶當年別。臨岐。汨滴。衷腸哽咽難說。望斷行雲。柴門倚遍。淒涼空對閒風月。屈指歸期無限恨。添得愁懷疊疊。鏡影非前。人情異昔。怎禁心摧折。欲訴憑誰。盡在數莖白髮。

張引元

字文姝。又字蕙如。王鳳嫺長女。楊世安妻。年二十七卒。范濂稱其詩爾雅俊拔。有劉

長卿風骨

點絳脣

答母

時節朱明。暖風初入芭蕉院。歸期日盼。鬆盡黃金釧。
病起南樓。愁睇將雛燕。無由見。白雲瞻戀。十二闌
憑遍。

陸卿子

長洲人趙頤光妻名媛集稱其性秉玄澹
不喜繁飾長齋繡佛超然有遺俗之志著
考槃玄芝二集行于世頤光字凡夫寒山

隱士也工篆書至今名重或曰卿子能詩
實佐成之

憶秦娥

感舊

砧聲歇梅花夢斷紗窗月紗窗月半枝疎影一簾淒
切心前舊願難重說花飛春老流鶯絕流鶯絕今
宵試問幾人離別

畫堂春

春怨

晴空烟裊柳絲微亂紅風綻猶飛杏花零落燕空歸
門外鴉啼慵病不禁寬帶諱愁無那尖眉香消斜

倚畫屏時此恨誰知

徐媛

字小淑法名淨照姑蘇人太僕徐寶維女
提學范允臨夫人能文善書與寒山陸卿
子爲詩友論詩獨不喜子美而雅慕長吉
謂子美雖大家然多俚語易入學究長吉
怪怪奇奇俱出自創不致以鬼才開宋人
門戶所著有絡緯吟十二卷行世

霜天曉角

題采石磯
蛾眉亭

雙巒鬪碧寒玉雕秋壁兩道凝螺天半橫無限青青
色拍岸濤千尺似鼓湘靈瑟窗下鏡臺鸞去空留
得春山跡

後段起二句不合調

漁家傲

詠吳延陵郊居小齋

板扉小隱清溪曲夜月羅浮花覆屋木籠憂憂搖生
穀莊田熟桔槔懸向茆簷宿青山一片芙蓉簇林
臯逸韻飄橫竹遠浦輕帆低幾幅濃睡足笑看小婦
雙鬟綠

絡緯集中有詞云露浥芙蓉茜翠色枯棠瓣傍疎
柳西風幾點又云曲曲湖梁一片秋光纖皆其各

也句

袁彤芳

字履貞蘇州人憲使袁德門女自稱廣寒
仙客年十四卽作遊山詩云楓林葉墮紅
荷沼翻波綠回首歸路遙雲山萬重曲

長相思

旅思

風滿樓。月滿樓。月白風清動客愁。征鴻聲且留。燈
半篝。香半篝。燈燼香沉幾夢悠。歸舟天盡頭。

項蘭貞

字孟晚秀水人黃卯錫妻著有裁雲草寒
山陸卿子爲序如幽人心賞間翛然弄秋
月晚風吹月上孤鳥帶雲還檻外繁花隨
意茂夢中芳草傍愁生野雀閒雲身外伴
落霞飛鷺景中禪惟有秋風解人意故吹
魂夢到君旁爲語王孫須努力閨中應不
悔封侯俱集中警句也武林徐野君曰三
吳閨秀自陸卿子徐小淑而外不得不以
此事推君

搗練子

秋月

新雁唳葉紛飛砧杵聲催露濕衣
獨坐空庭更漏永
一天明月散清輝

點絳脣

憶茂仲

柳眼舒青宮桃着露烟如織
憑闌目極無語心悽惻
風度簫聲鳳去空相憶
愁寒食薄羅初試杏臉消
春色

鵲橋仙

七夕和女冠王修微

秋葉辭桐虛庭受月漫道雙星踐約
人間離合總難

期空對影靜占靈鵲遙想停梭此時相晤可把別
愁訴却瑤階獨立且微吟靚瘦影薄羅輕綽

前後段起句不

合調

張倩倩

吳江人適同邑沈自微自微字君庸負才
任俠所著霸亭秋鞭歌妓簪花髻詞三齣
名漁陽三弄與徐文長四聲猿並傳於世
填詞集艷云倩倩艷色清才年三十四而
歿遺香僅存一二

浣溪沙

幾日輕陰冷翠綃起來慵把柳眉描
春情無奈困人嬌
簾外錦鴣啼恨絮
天邊帛雁寄書勞
小牕閒撥篆煙燒

憶秦娥

風雨咽鷓鴣啼破清明節
清明節杏花零落悶懷千疊
情悰依舊和誰說
眉山鬪鎖空愁絕
空愁絕雨聲和泪問誰淒切

蜨戀花

漠漠輕陰籠竹院。細雨無情，
淚濕霜花面。落葉西風吹不斷。
長溝流盡殘紅片。千遍相思纔夜半。
又聽樓前，
叫過傷心雁。不恨天涯人去遠。
三生緣薄吹簫伴。

武氏

萬曆庚戌榜進士文翔鳳妻翔鳳字太青

如夢令

夏日

畫閣閒吟玉案。簾捲薰風滿院。
悶則向花前，
獨立闌干倚。徧堪玩。堪玩。座裏清陰一半。